

अपोरो मारवाड, अपोरी बोली मारवाडी तिमाई पतरिका

अपरेल ऊं जून-2020

बणावण आळा:-

गंगाराम अर रतन लाल योगी

मदत करणाळा:-

मुकेश कुमार योगी अर मारवाडी समुदाय


nirmaan
empowering communities



सूविचार

आ जिन्दगी एक किताब है जिकी ये पेलो अर
लास्ट पन्नों भगोन लिख दियो बिजला पना
अपोने भरना है

सरकारी योजना

परधानमंत्री गरीब कल्याण योजना 2020

- इण योजना रे तेहत गरीब अर जरूरतमंद लोगों ने घणो फायदो होवेला
- परधानमंत्री गरीब कल्याण पैकेज लगभग 1.70 लाख करोड़ रो है।
- इण योजना रो लाभ लगभग 80 करोड़ लोगो ने होवेला
- इण योजना रे द्वारा 80 करोड़ लोगो ने 3 महीना ताई 5 किला गंऊ या चावळ हर महिने सला देवेला अर ऐ बिल्कुल फ्री देवेला
- एक किलो दाळ हर परिवार ने फ्री देवेला
- लुगाईयों रे जनधन खाते में 500 रिपिया हर महिने आगले 3 महिनो ताई दिया जावेला
- बूढ़ा-ठाडो, विकलोग, विधवावो ने आगले 3 महिनो ताई 1000 रिपिया अलगऊं आर्थिक मदत दी जावेली
- नरेगा में मजूरो री हाजरी 182 रिपियोऊं बढ़ान 202 रिपिया कर दी है
- दीनदयाल योजना रे तेहत सेल्फ-हेल्प गुरुप हमे 10 लाख री जगा 20 लाख ताई रो लोन ले सके है।
- सफाखाना कर्मचारियों रो 50 लाख रो बीमो करवायो जावेला
- उज्जवला योजना रे तेहत लगभग 8 करोड़ लुगाईयों ने आगले 3 महिनो ताई फ्री गेस टंकियों मिळेला
- आगले 3 महिनो ताई EPF खातो में कर्मचारी व कंपनी रो हिस्सो सरकार देवेला
- कर्मचारी आपरे पी एफ खाते में ऊं कुल जमा रो 75% निकाळ सके है।

कहाणी

हाथी अर दरजी

एक बार एक हाथी अर एक दरजी री दोस्ती दोस्ती होगी। बो हाथी हर रोज दरजी री दुकोन माथे आवतो अर दरजी रोज उने एक रोटी देवतो हो। एक दिन दरजी किणी कोमऊं सैर गियो। दुकोन माथे दरजी रो बेटो हो। बेटे रे मन में हाथीऊं मसकरी करण री बात आयगी अर बो हाथी ने रोटी में सुई घाळ अन खड़ा दी। हाथी रे सुई दौरी चुबी। हाथी पाछो तळाब माथे गियो। आपरी सूंड में कादो भरन लेन आयो। दरजी रो छोरो भळे हाथीऊं मसकरी करण री सोची उणू पेली हाथी आपरी सूंड रो मैलो पोणी दरजी री दुकोन में फेक दियो। दरजी रा पूरा गाबा नास हुग्या। दरजी रो छोरो घओ पछे घणो पछतायो। आ कहाणी हमार होई जकी हथणी री मौत माथे सटीक बैठै है के कास के बा हथणी भी उवोरे साथे ऐड़ो की करती जिकेऊं उवो छोरो में ई मानवता जाग जावती।

भगौन उनी

तुटकला

1. एक नेताजी भासण देता हाँ के
हिरे ने हिरो काटो अन लोह ने लोह काटे
जेड़े नेताजी ने कुत्तो काट लियो

सहाय करे जिको

खुद माथे

विस्वास करे

2. एक संत भासण देवता के एक कामयाब मिनक रे लारे एक लुगाई रो हाथ होवे

जेड़े एक मिनक संतो ने पुछियो के किनेई जे सलो कामयाब होणो होवे तो बो दस-बारे हाथ लगा सके है काई?

करोना वायरस

आ करोना वायरस नाम री महामारी लारले तीन महिनोऊं चाल री है अर आ लगभग संसार रे दो सौ देसों में फेल चुकी है। आज हरदेस इण महामारी रो इलाज जो रियो है। इने खतम करने वास्ते हर प्रयास कर रियो है। पण हाल ताई कोई सफलता नी मिळी है। सैंग देसों री आर्थिक हालत खराब हो री है। भारत मेई आई हालत है। सरकार लोगों री हर संभव सहायता कर री है। हमें सरकार हर जगा माथे छुट दे दी है अर लोकडाऊन घणोकर खोल दियो है। करोना वायरास अजे गियो नी है अर लोगो ने सावचेताई राखणी घणी जरूरी है। इण वास्ते इण में की जाणकारी है जिकी माथे आप विचार करो।

- खुद री साफ-सफाई राखो।
- आपरा हाथों नेण् साबु अर पोणी ऊं घड़ी-घड़ी धोवो
- साबु-पोणी नी होवे तो अल्कोहल-अधारित सैनिटाईजर काममें लेवो
- भीड़-भाड़ आळी जगा माथे मास्क पेरियोड़ो राखो
- भीड़-भाड़ में जावणऊं बचो
- सार्वजनिक जगावो माथेनसो-पतो मती करो
- सार्वजनिक जगावो माथे थुकणो या पेसाब नी करणा
- ब्याव/समारोह में सला मिनक भेळा नी करणा
- सरकार रे आदेसों रो पालण करो
- सरकारी गाईड-लाईन अर सरकार री सुचनावो रे माथे विचार करो
- खुद सुरक्सित रेवो अर आपरे परिवार ने सुरक्सित राखो।

सम्पर्क

निर्माण सोसायटी

तीसरी मंजिल, फ्लेट नम्बर तीन, गुलाब कोम्पलेक्स

सच्चियाय हेण्डलूम के पास, तहसील रोड़ औसियाँ,

जोधपुर राजस्थान-342303

फोन नम्बर-02922-274014

Email- rajasthanlanguages@nirmaan.org.in

Web- www.nirmaan.org.in

इज्जतदार मिनक ई

दूजो ने इज्जत दे सके

हैं, वयोके जिके रे खने

जिको है बोई दे सके हैं।